



Sud Bosne i Hercegovine

Суд Босне и Херцеговине

Broj: Su-08-87/15

Datum: 19.06.2015.godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-83/15 od 18.06.2015. godine u postupku javne nabavke usluge licenci **LOT 4 - Symantec Backup Exec - 48000000-8**, donosim

ODLUKU

o izboru najpovoljnijeg ponuđača za nabavku usluge licenci za
LOT 4 - Symantec Backup Exec

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-10-43/15 od 05.02.2015. godine i Ugovor za javnu nabavku usluge licenci **LOT 4 - Symantec Backup Exec - oznaka i naziv iz JRJN: 48000000-8** (programski paketi i informacijski sistemi), dodjeljuje se ponuđaču „**Avacom group**“ **d.o.o Mostar**, sa sjedištem na adresi Blajburških žrtava 17c, Mostar, a ponuda ovog ponuđača broj: PND-03736-63T7, za ponudenu cijenu od **2.232,68 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču „**Avacom group**“ **d.o.o** po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke licenci broj: Su-08-54/15 od 13.05.2015. godine. Javna nabavka je provedena putem otvorenog postupka broj: Su-08-55/15, a procijenjena vrijednost javne nabavke bez PDV-a je 4.200,00 KM za LOT 4 - Symantec Backup Exec. Objavljeno je na portalu javnih nabavki pod brojem 243-1-1-105-3-4/15 od 14.05.2015. godine i „Službenom glasniku BiH“ broj: 39/15 od 18.05.2015. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge licenci za LOT 4 - Symantec Backup Exec. Komisija je blagovremeno i pravilno izvršila javno otvaranje ponuda dana 05.06.2015. godine i sačinila Zapisnik o otvaranju ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće da su blagovremeno pristigle tri (3) ponude; da nije bilo neblagovremeno zaprimljenih ponuda; da su ponude ponuđača „Recro-net“ d.o.o., „Avacom group“ d.o.o. i „QSS“ d.o.o. ocijenjene prihvatljivim. U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuda, te ocjenu, poređenje i rang listu prispjelih ponuda, shodno kriteriju najniža cijena.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „Avacom group“ d.o.o. izabran primjenjujući kriterij najniže cijene koja je ponuđena u iznosu od 2.232,68 KM bez PDV-a dok su ostali ponuđači čije su ponude prihvatljive ponudili sljedeće cijene : „Recro-net“ d.o.o. u iznosu od 2.308,71 KM i ponuđač „QSS“ d.o.o. u iznosu od 3.470,21 bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

**PREDSJEDNICA SUDA**
Meddžida Kreso